



Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiārvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

De Sacramento vunctionis extremæ. De tribus generibus vunctionis. A

urn:nbn:de:hbz:466:1-38829

veniens est. Nam & in aliis sacramentis, quæ efficiunt, quod figurant, hoc sèpè contingit. Quidam dicunt, exteriorē pœnitentiā & interiorē esse sacramentū, nec duo sacramenta, sed vnu, ut species pánis & vini non duo sunt sacramenta, sed vnum. Et sicut in sacramento cōpóris, ita etiam in hoc sacramento dicunt, aliud esse tantum sacramentum, scil. exteriorē pœnitentiā, aliud sacramentum & rem, sc. interiorē pœnitentiā, aliud rem & non sacramentum, scil. remissionē peccatorum. Interiorē pœnitentiā, & res est sacramenti, id est exteriorē pœnitentiæ: & sacramentum remissionis peccati, quam signat & facit. Exterior quoque pœnitentia & interioris signum est, & remissionis peccatorum.

DE SACRAMENTO VNCCTIONIS EXTREMÆ.

DISTINCT. XXXIII. A

Præter præmissa est etiā aliud sacramentum, scil. vnc̄tio infirmorum: quæ fit in extremis, oīlo per Episcopum consecrato. Et sunt tria genera vnc̄tionis. Est n. vnc̄tio, quæ fit chrismate: quæ dicitur principalis vnc̄tio, quia in ea principaliter paracletus datur. Vnde & propter abundantiam gratiæ duos liquores mixtos habet, oleum scil. & balsamum, oleum conscientiæ, balsamum famæ. Chrisma vero Græcè, vnc̄tio Latinè dicitur. Nec tamen omne oleum ad vnc̄tionem sanctificatum chrisma vocatur, sed illud solum, quod miscetur cum balsamo: quo capita regum & pontificum vnguntur, quo etiam baptizatos sacerdos vngit in verice, & pontifex per impositionem manus confirmandos vngit in fronte. Est & alia vnc̄tio, qua catechumeni & neophyti vnguntur in pectora, & inter scapulas, in perceptione baptismi. Tertia vero vnc̄tio est, quæ dicitur oleum infirmorum: de qua nunc agitur.

A quibus institutum sit hoc sacramentum. B

Fff 2

Hoc